



庶物異名疏  
四

身聖閑藏

庶物異名疏卷二十四目錄

羽部上

羽家

羽霸

杓窠

諫珂

孟虧

善芳

澤特

爰居

雜縣

嗒啁

意怠

焦明

發明

幽昌

肅敬

服劉

畢方

精衛

灌灌

瞿如

顛

肥遺

橐蜚

數斯

羅羅

蠻蠻

欽原

胜遇



當扈

寓

囂

象蛇

酸與

絜鈎

竊脂

跂踵

嬰勺

青耕

馱餘

竦斯

周周

述

春鋤

疏趾

閭

賒

骨托

希有

乾臯

寒臯

郎畢

鯁

健

寒將

落霞

匹

雋周

游波

朱來

山蕭

雙雙

狂

沸河

秦吉了

迦陵

頻伽

熒熒



庶物異名疏卷二十四

樵李陳懋仁無功著

羽部上

羽家

羽家鳥之祖也歸藏啓筮曰金永之子其名羽家乃之羽民是生百鳥淮南子作羽嘉羽嘉生飛龍飛龍生鳳凰鳳凰生鸞鳥鸞鳥生庶鳥

羽霸

翟經云庶鳥四千五百鳳王之翟得鳳之類曰

羽霸

杓窠

杓窠

鳥瓜反

按鋼鑑宋太宗賜耶律休哥旗鼓杓

窠印杓窠勢鳥總稱以為印綬取疾速之義凡調發軍馬則用之

諫珂

說苑晉平公出朝有鳥環公不去平公顧謂師曠曰吾聞之霸王之主鳳下之今者出朝有鳥環寡人終朝不去是其鳳鳥乎師曠曰東方有

鳥名諫珂其為鳥也文身而朱足憎鳥而愛狐今者吾君必衣狐以出朝乎平公曰然師曠曰今鳥為狐裘之故非吾君之德義也平公不悅宛委餘編則云師曠識諫珂狐身鳥首與前說苑異或有別據乎

孟虧

孟虧出括地圖人首鳥身其先為虞氏馴百獸夏后之末世民始食卵孟虧去之鳳凰隨與止於此山多竹長千仞鳳凰食竹實孟虧食木實



去九疑萬八千里

善芳

周書奇翰善芳善芳頭若雄雞佩之令人不寐  
奇翰北狄名

澤特

周書蜀人以文翰文翰若臯雞注鳥之有文采  
者臯雞冀州人謂之澤特

爰居

雜縣

爰居海鳥也止於魯東門外臧文仲祭之展禽

譏焉急就乘風一名爰居一名雜縣樊光云似  
鳳凰景煥小說云今俗名禿鷲是也

嘑啁

嘑

益 啁 嘲

水經注楚鳩一名嘑啁號咷之名蓋

因鳩以起目焉廣志鴉鷲鳥乃楚鳩所生鴉惡

聲鳥也古音駢字云楚有嘑啁城

意怠

意怠玄鳥也莊子東海有鳥名意怠進不敢為  
前退不敢為後食不敢先嘗必取其緒行列不



斥而人不害以免於患淮南亦云其爲鳥也  
玃玃而似無能引援而飛迫脅而棲

焦明

發明

幽昌

肅敬

法言鷦明冲天不在六翮乎拔而傳尸鳩其累  
矣天中記焦明至爲雨備焦明水鳥也建武中  
有大鳥集東陽郡五采皆備赤色居多沈約以  
爲焦明至則水之感也文選注似鳳西方之鳥  
郁離子曰南方之鳥五采而象鳳名昭明其性  
好亂出則天下有兵一說東方曰發明南方曰

焦明西方曰鷦鷯北方曰幽昌中央曰鳳凰按  
焦字從佳火誠南方鳥也瑞應圖幽昌至則旱  
之應肅敬狀如鳳凰銳喙見則荒歉之應

服劉

晉書趙王倫僭位殿上有異鳥不知名有素衣  
小兒言服劉鳥明旦失人鳥所在倫目有瘤時  
以爲妖

畢方

畢方出章莪之山狀如鶴一足赤支青質而白

喙其鳴自叫見則邑有譌火譌亦妖訛字東方朔對武帝卽此鳥也尸子木之精氣爲畢方一作必方淮南汜論木生畢方注木之精狀如鳥青色赤脚一足不食五穀郭璞贊曰畢方赤文離精是炳旱則高翔鼓翼陽景集乃流災火不炎正

### 精衛

精衛狀如鳥支首白喙赤足其鳴自說炎帝女名女娃游於東海溺而不返是爲精衛常啣

西山木石以堙東海述異記云海畔俗說精衛無雄耦海燕而生雌狀如精衛生雄狀如海燕今東海畔精衛誓水處猶存溺死於川誓不飲其水一名誓鳥一名寃禽又名志鳥俗名帝女雀

### 灌灌

灌灌出青丘之山狀如鳩其音若呵佩之不惑郭璞云如人相呵呼聲一作濩濩

### 瞿如



瞿如出禱過之山狀如鵠而白首三足人面其  
鳴自號郭璞謂足或作手故贊有曰瞿如三手

顛

顛出令丘之山狀如梟人面四目而有耳其鳴  
自號見則天下大旱

肥遺

肥遺出英山狀如鶉黃身而赤喙食之已癘可  
以殺蟲蛇亦名肥遺見鱗部

橐蜚

橐蜚

肥

出踰次之山狀如梟人面而一足冬見

夏蟄服之不畏雷郭璞贊曰有鳥人面一脚孤  
立性與時反冬出夏蟄帶其羽毛迅雷不入

數斯

數斯出臯塗之山狀如鴟而人足食之已癩

羅羅

羅羅出萊山是食人郭註所未詳也有青獸同  
名者見獸部

蠻蠻



蠻蠻出崇吾之山狀如鳧而一翼一目相得乃  
飛見則天下大水爾雅作鵯鵯鳥郭璞贊曰比  
翼之鳥似鳧青赤雖云一形氣同體隔延頸離  
身翻飛合翮又按經綱山之尾有蠻蠻鼠身而  
鼈首音如吠犬

欽原

欽原出崑崙之丘狀如蜂大如鴛鴦救鳥獸  
則死蠹木則枯蠹蟲行毒也

勝遇

勝姓遇出玉山是西王母所居也狀如翟而赤  
是食魚其音如錄見則其國大水郭璞云音錄  
義未詳

當扈

當扈出上申之山狀如雉以髯飛食之不眴眩  
目郭璞贊曰鳥飛以翼當扈則鬚廢多任少沛  
然有餘輪運於轂至用在無

寓

寓出號山其鳥多寓狀如鼠而鳥翼其音如羊

可以禦兵

囂

囂出梁渠之山狀如夸父郭云或作舉父四翼一目犬

尾其音如鵲食之已腹痛可以止衎郭璞云治

洞下也有獸同名者見獸部

象蛇

象蛇出陽山有鳥狀如雌雉而五采以文是自為牝牡名曰象蛇其鳴自說郭璞贊曰象蛇以雉自生子孫

酸與

酸與出景山狀如蛇而四翼六目三足其鳴自說見則其邑有恐郭璞贊曰景山有鳥稟形殊類厥狀如蛇脚三翼四見則邑恐食之不醉

絜鈎

絜鈎出礮山狀如鳧而鼠尾善登木見則其國多疫

竊脂

竊脂出嵯山如鵝而赤身白首可以禦火郭璞



云今呼青雀曲嘴食肉喜盜脂膏食之者爲竊脂疑非此也爾雅疏云諸儒說竊脂爲盜脂膏則竊玄竊黃等豈復盜竊玄黃乎按竊古淺字此鳥其色不純竊玄淺黑也竊藍淺青也竊黃淺黃也竊丹淺赤也則竊脂淺白也劉氏音義亦云盜驪竊驪也竊淺青色驪純黑色詳見獸部

### 跂踵

跂踵出復州之山狀如鶚而一足彘尾見則其

國大疫郭璞贊曰跂踵爲鳥一足似夔不爲樂與反以來悲

### 嬰勺

嬰勺出支離之山狀如鵲赤目赤喙白身其尾若勺其鳴自呼郭璞贊曰支離之山有鳥似鵲白身赤眼厥尾如勺維北有斗不可以酌

### 青耕

青耕出董理之山如鵲青身白喙白目白尾可以禦疫其鳴自叫郭璞贊曰青耕禦疫跂踵降



災物之相反各以氣來見則民咨實爲病媒

馱餘

馱餘出丑陽之山狀如赤鳥而足可以禦火

竦斯

竦斯出灌題之山如雌雉反面見人乃躍畢方  
以下俱見山海經

周周

禽經周周之智不如鴻垂頭屈尾飲於河側顛  
必以一頭附他鳥然後可飲李白詩周周亦何

辜六翮掩不揮願銜衆禽翼一向黃河飛

述

埤雅鷦一名述似燕紺色知天將雨之鳥故傳  
曰知天者冠述述通天冠也莊子曰皮弁鷦冠  
以約其外字从喬喬述也鷦知天時而述之者  
也義訓云鷦紺色燕知風則啼然則鷦之爲鳥  
匪獨知雨兼亦知風矣

春鋤

詩疏鷺春鋤郭璞云白鷺也頭翅背上皆有長

翰毛今江東人取以爲睫攤名之曰白露線陸璣曰好而潔白故謂之白鳥齊魯之間謂之春鋤青脚高尺六七寸尾如鷹尾喙長三寸頭上有毛數十枚長尺餘毳毳然與衆毛異好取魚時則弭之

### 疏趾

曲禮雉曰疏趾雉肥則兩足開張故云

### 閩

閩各含閩鳥似鴝鵒而色黃見經史直音

### 賒

水經注鄭玄云鳥鼠之山有鳥焉與鼠飛有處之又有止而同穴之山焉是二山也鳥各爲賒似鷄而黃黑色鼠如家鼠而短尾穿地而共處鼠內而鳥外孔安國曰共爲雌雄杜彥達曰同穴止宿養子互相哺食大乃止張晏言不相牝牡因以名山又按郡國志大賓縣漢布山縣地有堂牛亦與蛇同穴人未知併著一名糖牛

### 骨托



墨客揮犀河州有禽名骨托狀類鵬高三尺許以名自呼食鐵石郡守每致輒出以示客或疑鐵石至堅非可食之物乃取三寸白石繫以絲繩擲其前卽啄而吞之良久牽出視石已軟爛如泥矣

### 希有

神異經崑崙崙銅柱有鳥名希有張左翼覆東王公右翼覆西王母其喙赤目黃如金其肉苦鹹仙人甘之水經注云希有背上小處無羽一萬九千里西王母歲登翼上之東王公也李白有希有賦

### 乾臯

### 寒臯

淮南子乾臯一名鸚鵡郭璞曰四指中分行則以嘴淮南又名寒臯斷舌使語注云鸚鵡也周禮鴈鵠不踰濟地氣然也埤雅乾臯斷舌則坐歌人勝之也

### 郎睪

方言鳩自關以東周鄭之郊韓魏之都謂之郎



畢其大者謂之鴝鳩

從

方言南楚人謂鷄曰從從或從鳥亦書作從

健

健 二音 未成鷄也爾雅疏云雛之稍長未成者

名健郭璞云江東呼鷄少者名健

寒將

寒將水禽也見淮南子

落霞 匹

落霞鳥也形似鸚鵡遍體緋色庾信馬射賦落

霞與芝蓋齊飛王勃第易孤鶩耳升庵云落霞

乃飛蛾見吳獬事始鶩者曲禮云庶人執匹注

匹鶩也家鴨曰鶩郭璞曰鶩音木直音鳴音匹

鴨也古文省作匹

鶩周 游波

詩疏鶩周燕燕鳥孫炎曰別三名郭璞曰一名

玄鳥齊人呼鳥此燕即今之燕也古人重言之

漢書童謠云燕燕尾涎涎徒見反是也鳥乙字異

音同義郭氏一音鳥拔反炮炙論游波燕也

朱來

朱來紅嘴紺尾尾長於身巧解人言善別人意  
見杜陽雜編

山蕭

續博物志山蕭一名山縲神異經作獠永嘉郡  
志作魅一名山駱一名蛟一名灌肉一名熱肉  
一名暉一名飛龍如鳩青色一曰治鳥巢大如  
五斗器飾以土堊赤白相間狀如射侯犯者殺  
虎害人燒人廬舍昔值洪水食都樹皮餓死化  
為鳥姚王汪三姓其姓也

雙雙

公羊傳曰其諸為其雙雙而俱至者與謂高固及子叔姬  
也注曰言其雙行匹至似於鳥獸疏曰舊說雙  
雙之鳥一身二首尾有雌雄隨便而偶常不離  
散故以喻焉非何氏意也

狂

爾雅鴟有三種茅鴟一名狂注今鷓鴣也似鷹



而白

沸河

埤雅云雕能食草似鷹而大黑色俗呼阜鷗其飛上薄雲漢性刻制今大鷗翱翔水上扇魚令出沸波攫而食之一名沸河爾雅翼云鷗者鷗之類土黃色健飛擊沙漠中空中盤旋無細不睹亦食麋鹿之屬可謂鷗有力矣鷗亦大鷗

秦吉了

續文獻義物考瀘南人有蓄秦吉了能作人言

夷酋欲以錢十萬緡買之其人告以貧欲賣汝秦吉了曰我漢鳥也不願入夷中遂不食死仁戲謂此鳥非秦檜家禽使檜具此肺腸當不賣宋於夷可以人而不如鳥乎仇池筆記此鳥似鸚鵡軼力或作軟毛花頸絲耳腦有文冠桂海虞衡志如鸚鵡紺色丹嘴黃距目下連項有深黃文項毛有縫如人分髮能人言比鸚鵡尤慧大抵鸚聲如兒女吉了聲如丈夫

迦陵

迦陵仙禽也在卯鷓中鳴音已歷衆鳥楞嚴經云迦陵仙音遍十方界温陵云其音和雅佛音如之

頻伽

頻伽共命鳥一頭兩身故楞嚴經解以兩孔餅曰頻伽餅也會述云迦陵頻伽此翻妙聲鳥

熒熒

衝波傳顏回識熒熒之鳥

庶物異名疏卷二十五目錄

羽部下

箴疵 盍旦 定甲 芻尼

飛駁 大風 夫不 黃栗留

戴勝 題肩 擊征 翠竦

渠梁 列精 开零 石檄

負金 背竈 嚙羿 忌欺

運日 陰諧 同力 邽

燭夜 載丹 長離 伯趙



博勞

剖葦

訓狐

渠逸

錯落

阿濫堆

馮霄

搖光

飛廉

金吾

卑居

催歸

買銳

重明

唐屠

白唐

青翅

黃眸

青冥

金距

商羊

批頰

庸渠

流離

破鏡

交目

扶老

姑惡

鴻豹

澤虞

黃禍侯

屬玉

山梁

信天翁

碧繼翁

菽子

乾吉

帝江

鋪鼓

溷章

脆脰

奧

山菌子

夾雪兒

公蕢

竹林

庶物異名疏卷二十五

檇李陳懋仁無功著

羽部下

箴疵

箴疵鳥也見上林賦張揖注云箴疵似魚虎而  
蒼黑色

盍旦

定甲

坊記篇注盍旦夜鳴求陽之鳥也言盍旦欲反  
夜作旦求所不當求者人尚患之况人臣而求



其上乎郭璞云似雞五色無毛赤俛晝夜鳴月  
令作鵙鵙或作渴旦周書時訓曰大雪之日鵙  
鳴不鳴鹽鐵論作鴉旦方言鴉旦周魏宋之間  
謂之定甲或謂之獨春自關而東謂之城旦或  
謂之倒懸

芻尼

飛駁

傳燈錄謂鵲爲芻尼博物志一名飛駁天玄三  
物簿云鵲啄槐實結玉於腦謂之鵲玉此鵲終  
歲不復鳴噪雖巢無胎卵戴玉之鵲巢於竹與

燕同羣蓋能識寶故也雀賦云頭如蒜顆眼若  
擘椒衛象詩鵲血調弓濕未乾則鵲血可以調  
弓後山詩話記人作七夕詩押芻尼字衆人竟  
和無成詩者後讀藏經呼鵲爲芻尼乃知讀書  
不厭多仁按梵書不止芻尼又有伊尼詳獸部

大風

淮南子堯使羿繳大風於青丘大風鷲鳥也在  
東方

夫不



詩傳雛夫不音巫也箋夫不鳥之慈謹者李巡曰今楚鳩也剡子曰祝鳩氏司徒者也蓋此物季故爲司徒以教民毛傳又曰一宿之鳥鄭云一宿者一意於所宿之木也爾雅翼云頭有贅物之拙者不能爲巢纔架數枝往往破卵無巢不能居天將雨則逐其雌霽則呼而返之按此則是鳥季而不義者得微以衛毋故而暫逐其雌乎

### 黃栗留

詩傳黃鳥搏黍也郭璞云俗呼爲黃離留陸璣云或謂之黃栗留幽州謂之黃鸞一名倉庚一名商庚一名黎黃一名楚雀當甚熟時來在桑間故里語云黃栗留看我麥黃甚熟亦是應節趨時之鳥也格物總論曰鸞黑尾嘴紅脚青遍身甘草黃色羽及尾有黑毛相間三四月鳴音聲圓滑東坡謂之黃公類考云今荊州每冬月于田中得土堅圓如卵者破之則鸞在其中無復毛羽蓋以土自裹伏候春始破土而出出谷



遷喬恐似此矣

戴勝

禮記季春之月戴勝鳴於桑鄭玄曰戴勝促織之鳥春秋考異郵曰孟夏戴維出以任氣成天津也故戴維出蠶期起

題肩

擊征

詩歛彼晨風陸璣疏晨風鷓也似鷓青黃色燕頷勾喙向風搖翅乃因風急疾擊鳩鴿燕雀食之又云隼鷓屬齊人謂之擊征或謂之題肩考

異郵謂陰陽氣貪故題肩擊宋均曰題肩有爪芒爲陰中陽故擊殺也急就注曰鄭康成以擊征爲鷹失之矣一曰隼遇懷胎之鳥卽勿擊故隼憫胎義也

翠竦

呂覽肉之美者雋燕之翠高誘曰鳥名翠竦

渠梁

列精

毛詩疏義鵲鴿水鳥一名渠梁大如鷓雀長毛尖喙背上青灰色腹下白頸下黑如連錢故桂



陽謂之連錢詩輯名雪姑類考一名列精一名  
錢母禽經云鵲鴿共母者飛鳴不相離詩人取  
以喻兄弟相友之道也

开零 石檄

纂文鵲施石檄开零皆野鴨沒食曰鵲長頸曰  
施多白曰开零山間曰石檄

負金 背竈

陸璣云鵲鵲雀也似鴻而大長頸赤喙白身黑  
尻翅巢大如車輪卵如三升杯望見人按其

子令伏徑舍去一名負金一名背竈一名旱羣  
泥其巢一旁爲池含水滿之取魚置池中稍稍  
以食其雛殺其子一村致災旱喜負日而飛日  
色如金故曰負金也形接而懷卵伏卵時數入  
水卵冷則不孕取礪石周圍繞卵以助煖氣生  
子三一爲鶴一說周思方幼時見一鵲彈傷取  
養之俟其愈縱之後數日聞有物擊扉啓視之  
乃向之鵲也背負金串卸於地串上結紙書云  
始於博士終於大夫後果然故呼鵲曰負金



鸜

爾雅

鸜

鸜

鸜

鸜

鸜

鸜

鸜

如鸜

短尾

射之

啣矢

射人郭璞贊曰鸜鸜之鳥一名鸜

矢不著地逢蒙縮手養由不睨邢昺疏鸜古隋

字言鳥捷勁雖羿亦情

忌欺

博物志鸜鸜晝目無所見夜則目至明人截爪

甲葉露地此鳥夜至其家拾取爪分別視之則

知有吉凶者輒便鳴其家有殃莊子曰鸜鸜夜

撮蚤察秋毫末晝瞑目不見丘山纂文曰一名

忌欺白日不見人夜能食蚤虱也蚤爪音相近

俗人云鸜鸜拾爪甲相其吉凶妄說也

運日

陰諧

同力

說文鳩一名運日廣雅鳩雄曰運日雌曰陰諧

淮南子曰運日知晏陰諧知雨寰宇記鳩一名

同力劉子曰天將雨也纖塵不動而鳩日鳴狀

如雞高三尺好食蛇埤雅云鳩似鷹而紫黑喙

長七八寸作銅聲食蝮蛇蛇入口即爛屎溺着

木亦爛惟犀角可解其毒故有鳩處必有犀也

却

曾連子南方有鳥名曰却圭生而食其生

燭夜

燭夜雞也見崔豹古今注

載丹

載丹丹雞也見本草經

長離

長離鳥相如賦急就注長離靈鳥名孔爵之狀

也

伯趙 博勞

詩七月鳴鵙易林云鵙必單棲毛傳鵙伯勞左

傳謂之伯趙飛不翱翔直刺而已形如鸚鵡而

喙黑一名博勞論衡云博勞食蛇升庵云亦能

搏擊鷹隼於林陳思王惡鳥論百勞五月鳴應

陰氣之動陽氣為仁義陰氣為殘賊或曰血可

昏金其聲鵙鵙故以音名古今諺鄭志道論俗

編云伯勞食母代代相成然則食母不止梟矣



剖葦

爾雅鳩鷓鴣剖葦郭璞云好剖葦皮食其中蟲  
江東呼為蘆虎似雀埤雅云剖葦青斑長尾

訓狐

渠逸

訓狐按草木子云惡鳥也鳴則後竅應之玄中  
記姑獲一名天常少女好取人小兒養之有女  
子之家則點血其衣以為誌荆楚歲時記姑獲  
一名勾星衣毛為鳥脫毛為女夜鳴聞則有換  
犬耳滅燭禳之夷堅志謂之渠逸蓋鬼車鳥也

周禮秋官曰砮蒺

音摘天巢也

氏掌覆天鳥之巢以

方書十日之號

自甲至癸

十有二辰之號

自子至亥

十有

二月之號

自卯至茶

十有二歲之號

自攝提格至赤奮若

二十

有八星之號

自角至軫

縣其巢上則去之注云天鳥

訓狐鬼車之類陰陽邪氣所生也見則不祥又  
云正氣所萃妖邪不能自存也丘氏曰鵲忌庚  
燕避戊巳虎豹知衝破鵲作巢避太歲以此觀  
之周公不虛言也

錯落

唐韻注鶴鵠一身九頭九尾逆毛一名錯落

### 阿濫堆

阿濫堆驪山鳥也故明皇采其聲爲曲段成式謂此鳥色黃一變之鵠色如鶯鶯鵠轉之後乃至累變臆前漸白云

### 馮霄

拾遺記蒼梧有鳥吐五色氣名曰馮霄銜土成墳積珠成壠其珠輕細如塵風吹塵起各珠塵

### 搖光

天祿閣外史扶桑之野有鳥曰搖光感日之精千歲一孕其形如龜

### 飛廉

飛廉三輔黃圖謂神禽也能致風氣身似鹿頭如雀有角而蛇尾文如豹郭璞云蜚廉龍雀也焦氏筆乘云飛龍鳥名鳳頭龍尾其文五色以象五方一名飛廉一名龍雀漢銅鑄其象以彰瑞應明帝至長安迎取飛廉天馬置平樂館按赫連勃勃造刀名曰龍雀取是義也又楚辭說



後飛廉使奔屬飛廉風伯也

### 金吾

金吾顏師古云鳥名也主辟不祥職主先導執此鳥之象因以名官詩類考金吾形似美人首尾似魚有兩翼其性通靈不寐故用儆巡應劭曰執禦也典執金革以禦非常也揚雄執金吾箴有云吾臣司金敢告執璜按此則金吾非鳥而應說亦非無謂姑識之以俟並攷

### 卑居

周禮注鳥謂卑居鵲之屬疏正義云鶯卑居又名雅鳥續博物志以卑居爲楚鳥

### 催歸

### 買銳

催歸按說文蜀王望帝淫其相妻以慙死化爲子雋鳥又名杜鵑子鵑杜宇子規周鸞催歸秭歸揚雄傳注鷓鴣一名買銳韋一名子規一名杜鵑常以立夏鳴則衆芳歇按華陽國志曰杜宇稱帝會有水災其相開明決玉壘山以除害帝遂委以政事升西山隱焉時適二月子鵑鳥



鳴故蜀人每聞子鵲輒悲而思之據此則皆君  
臣皆賢者鵲非帝所化亦無淫事微常璩則其  
寃永不白矣特表而出之

### 重明

拾遺記祗支之國獻重明之鳥一名雙睛言雙  
睛在目狀如雞鳴似鳳時解落毛羽以肉翮而  
飛能搏逐猛獸虎狼使妖災羣惡不能爲害飴  
以瓊膏或一歲數來或數歲不至國人莫不灑  
掃門戶以望重明之集其未至時國人或刻木

鑄金爲此鳥之狀置戶牖間則魑魅類自然退  
伏今人每歲元日或刻木鑄金或圖畫爲雞於  
牖上此遺像也

### 唐屠

### 白唐

唐屠鷲

激又音叫

似鳥見玉篇酉陽雜俎曰白唐一

變爲青鵠而帶灰色鵠轉之後乃至累變橫理  
轉細臆前微微漸白又曰白唐唐者黑色也謂  
斑上有黑色一變爲青白鵠按卽阿濫堆也其  
名不一聊復著之



青翅 黃眸 青冥 金距  
四者茂陵少年李亨逐雉兔之鷹鷄名也見西  
京雜記

商羊

家語齊有一足之鳥飛公朝下於殿前舒翅而  
跳齊侯遣使訪於孔子孔子曰此鳥名商羊昔  
兒童有屈其一脚振訊兩臂而跳且謠曰天將  
大雨商羊起舞今齊有之其應將至有水爲災  
批頰

丹鉛錄云唐盧延遜詩樹上詔訊批頰鳥王半  
山詩藉草聽批頰元人詩批頰穿林叫新綠韓  
致元詩城頭批頰伴啼鳥批頰鳥名不詳何狀  
或卽鴨鳩也仁謂批頰可對題肩

庸渠

庸渠似鳧灰色而雞脚一名帝渠一名草渠

流離

破鏡

流離陸璣云鳧也自關而西謂鳧爲流離其子  
適長大還食其母說文鳧不孝鳥也日至捕鳧



磔之以頭挂木上今以挂首爲梟漢儀夏至賜百官梟羹欲絕其類也梟附土塊爲兒破鏡抱毒樹果爲子子成父母皆遭其食生理怪誕見諸楞嚴經然則梟與鏡始未嘗食父母蓋土塊毒樹果蒙其氣化而食梟鏡耳厲哉梟鏡之氣也

交目

埤雅鵠長目睛交故號鵠鵠一名交目一名鵠

鷓一名鷓鴣額

扶老

禽經扶老強力張華注扶老秃鷓也大者高六七尺善與人鬪好啖蛇脯羞一作灸食之益人氣力走及奔馬埤雅鷓狀如鶴性貪惡長頸赤目毛辟水毒

姑惡

東坡禽言姑惡姑惡姑不惡妾命薄君不見東海季婦死作三年乾不如廣漢龐姑去却還公自注云姑惡水鳥也俗云婦以姑虐死故如其



聲

鴻豹

鴻豹見易林鴻一名鴻豹謂鴻能食鴻也郭璞云鴻毛有豹文一名獨豹陸佃云鴻性羣居如鴈而有行列連蹄不喜樹止性最淫逢鳥則與之交其字畫七十鳥為鴻為其多鳥相交之故也今俗呼娼母曰老鴻曰鴻兒取此

澤虞

爾雅云鷩紉澤虞郭璞云今媪澤鳥似水鷩蒼

黑色常在澤中見人輒鳴喚不去有象主守之

官因各俗呼護田鳥說文云媪音戶聲類云

媪戀惜也以此鳥戀惜池澤見人不去因各

媪澤鳥也郭又云鶉鵠一名淘河一名鳩禽經

云方目其名鳩山海經云鶉胡似鶉而人足胸

中有肉二塊大如拳飲水數斗一作升而不足好

沉水食魚一名洿澤莊子云魚畏鶉鵠以能竭

澤也陸璣云形如鶉而極大喙長尺餘直而廣

口中正赤頷下胡大如數升囊若小澤中有魚

便羣共汙水滿其胡而棄之令水竭盡魚陸地  
乃共食之故曰淘河

### 黃禍侯

本草斑鳩春分則化爲黃禍侯埤雅云鸚大如  
斑鳩綠色所鳴其民有禍一各黃禍侯雛所化  
也俗呼車載板草木疏云賈生所賦鵬鳥是也

### 屬玉

遊獵賦駕鸞屬玉三輔黃圖云屬玉似鸚鵡一  
曰似鴨而大長頸赤目紫紺色

### 山梁

七發云山梁之餐注云雌雉也

### 信天翁

信天翁滇中鳥名食魚而不能捕俟魚鷹所得  
偶墮者拾食升庵云

### 碧繼翁

碧繼翁鷺也見桂萱錄東坡呼爲雪兒李昉名  
雲客

### 菡子



酉陽雜俎鷹巢一名敢鄒鷹呼敢子者雛鷹也

乾吉

列女傳南方有鳥名曰乾吉食其子不擇肉子常不遂

帝江

王融曲水序召鳴鳥於弇州追伶倫於嶰谷發參差於王子傳妙靡於帝江注云天山有神鳥識歌舞也名曰帝江

舖鼓

舖鼓鳥名馱也說文

溷章

溷章鳥名七發云溷章白鷺孔雀鸚鵡

臙脰 奧

臙脰音媿奧皆鳥藏名說文云臙一曰鳥臙脰

脰鳥胃一曰五藏總名禮曰鷄肝鴈腎鶉奧鹿胃鄭玄云奧脾也

山菌子

山菌子鳥名生江東山林間如小鷄無尾見應

庵隨筆

决雪兒

國史補唐申王有高麗赤鷹岐王有北山黃鶻  
皆俊健無敵每上出獵則擎在駕前明皇賜號  
决雪兒

公蕢

均藻云公蕢翡翠名方言

竹林

紫桃軒雜綴杜少陵七歌之四曰嗚呼四歌兮

歌四奏竹林爲我啼清晝竹林本鳥名同州有  
之色正青如雀善啼杜老本用此後注者乃改  
作林猿不讀萬卷不行萬里可輕窺少陵耶



Vertical text on the right edge of the page, likely a page number or title.

Vertical text in the first column of the table.

Vertical text in the second column of the table.

Vertical text in the third column of the table.

Vertical text in the fourth column of the table.

Vertical text in the fifth column of the table.

Vertical text in the sixth column of the table.

Vertical text in the seventh column of the table.

Vertical text in the eighth column of the table.



